



SLUŽBENE NOVINE GRADA GORAŽDA

Godina XVI

6. 11. 2023. godine

Broj 10

192

Na osnovu člana 66. Zakona o građevinskom zemljištu Federacije Bosne i Hercegovine („Službene novine Federacije Bosne i Hercegovine“, broj: 25/03), člana 36. Odluke o građevinskom zemljištu Općine Goražde („Službene novine Općine Goražde“, broj:1/16) i člana 17. Statuta Grada Goražde („Službene novine Bosansko-podrinjskog kantona Goražda“, broj:10/18 i „Službene novine Grada Goražda“, broj: 5/18), Gradsko vijeće Grada Goražda, na 22. redovnoj sjednici održanoj 24. 10. 2023. godine, **d o n o s i**

ODLUKU

o utvrđivanju prosječne konačne građevinske cijene 1 m² korisnog stambenog prostora za 2022. godinu na području Grada Goražde

Član 1.

Ovom Odlukom utvrđuje se prosječna konačna građevinska cijena 1 m² korisnog stambenog prostora za 2022. godinu na području Grada Goražda, u visini od 967,00 KM (devetsto šezdeset sedam konvertibilnih maraka).

Član 2.

Utvrđena prosječna konačna građevinska cijena korisnog stambenog prostora iz člana 1. ove Odluke služi kao osnovica za utvrđivanje naknade za pogodnosti građevinskog zemljišta (rente).

Član 3.

Prosječna cijena iz člana 1. ove Odluke, primjenjivat će se na način propisan odredbama Zakona o građevinskom zemljištu Federacije BiH („Službene novine F BiH“, broj: 25/03) i odredbama Odluke o određivanju gradskog i ostalog građevinskog zemljišta i zoniranju („Službene novine Bosansko-podrinjskog kantona Goražda“, broj:12/04).

Član 4.

Stupanjem na snagu ove Odluke prestaje da važi Odluka o utvrđivanju prosječne konačne građevinske cijene 1 m² korisnog stambenog prostora za 2020. godinu na području Grada Goražda („Službene novine Grada Goražda“, broj: 4/21).

Član 5.

Ova Odluka stupa na snagu osmog dana od dana objavljivanja u „Službenim novinama Grada Goražda“, a primjenjivat će se do 31. 03. 2024. godine, a najkasnije do stupanja na snagu nove Odluke.

Zahtjevi podneseni prije stupanja na snagu ove Odluke, a po kojima nije doneseno rješenje, rješavat će se po odredbama Odluke koja je važila u momentu podnošenja zahtjeva.

Broj: 01-02-1-4408
24. 10. 2023. godine
G o r a ž d e

PREDSJEDAVAJUĆI
GRADSKOG VIJEĆA
Bajro Obuća, s.r.

193

Na osnovu člana 363. stav 3. tačka 5. Zakona o stvarnim pravima Federacije BiH (“Sl. novine Federacije BiH” br. 66/13 i 100/13), člana 4. stav 1. tačka c) Pravilnika o postupku javnog konkursa za raspolaganje nekretninama u vlasništvu Federacije BiH, kantona, općina i gradova (Službene novine F BiH broj:17/14), člana 17. i 88. Statuta Grada Goražda (“Službene novine Grada Goražda broj: 5/18), a po zahtjevu Mubere Pašić, Alme Saračević i Sabaheta Zuhrić, Gradsko vijeće Grada Goražda na 22. redovnoj sjednici održanoj dana 24. 10. 2023.godine, **d o n o s i :**

O D L U K U

**o prodaji nekretnine neposrednom pogodbom
Muberi Pašić, Almi Saračević i Sabaheti
Zuhrić radi oblikovanja građevinske čestice**

Član 1.

Ovom Odlukom odobrava se prodaja, neposrednom pogodbom radi oblikovanja građevinske čestice, kupcima Muberi (Adem) Pašić r. Bezdrob, Almi (Suljo) Saračević r. Pašić i Sabaheti (Suljo) Zuhrić r. Pašić, nekretnine označene kao:

- k.č. 3684/2 zv. “Pruga”, po kulturi oranica/njiva 3. klase u površini od 225 m², koja je upisana u posjedovni list broj 345 KO Goražde I, na ime Grad Goražde sa 1/1 dijela i zemljišnoknjižni uložak broj: 8668 KO Goražde I, na ime Grad Goražde sa 1/1 dijela, oblika i veličine prema skici snimanja lica mjesta vještaka geodetske struke, koja je sastavni dio ove Odluke.

Član 2.

Građevinsko zemljište se nalazi u IV zoni gradskog građevinskog zemljišta te je cijena zemljišta označenog u članu 1. ove odluke utvrđena u iznosu od 25,00 KM po 1m², tako da ukupna kupoprodajna cijena za zemljište označeno u članu 1. ove odluke iznosi 5.625,00 KM (slovima pethiljada šeststotinadvaesetpet konvertibilnih maraka).

Prodajna cijena za predmetnu nekretninu/zemljište utvrđena je od strane sudskog vještaka građevinske struke.

Član 3.

Građevinska čestica oblikuje se prema Regulacionom planu Kuti – izmjene (Službene novine Grada Goražda, broj: 10/18), u skladu sa Stručnim mišljenjem Službe za urbanizam, prostorno uređenje i komunalne poslove Grada Goražda broj: 04-4-19-sl od 05. 07. 2023. Godine, i to iz dijela k.č. 3687 i k.č. 3684/2 KO Goražde I.

Član 4.

Mubera Pašić, Alma Saračević i Sabaheta Zuhrić kao suvlasnici i Grad Goražde zaključit će i ovjeriti kod nadležnog organa ugovor o kupoprodaji nekretnina.

Predaja nekretnina izvršit će se u roku od 15 dana od dana uplate naknade u iznosu od 5.625,00 KM (slovima pethiljadašeststotinadvaesetpet konvertibilnih maraka), koje su Mubera Pašić, Alma Saračević i Sabaheta Zuhrić dužne uplatiti na račun Grada Goražda, što će se odrediti ugovorom o kupoprodaji nekretnine.

Član 5.

Ovlašćuje se gradonačelnik Grada Goražda da sa Muberom Pašić, Almom Saračević i Sabahetom Zuhrić, u ime Grada Goražda, zaključi ugovor o kupoprodaji nekretnine, kojim će bliže regulisati uslove i rokove plaćanja, označene u članu 1. ove odluke, po prethodno pribavljenom mišljenju pravobranioca Grada Goražda.

Član 6.

Troškove izrade obrade ugovora o kupoprodaji nekretnine, te sve ostale troškove, koji se odnose na postupak kupoprodaje, snose Mubera Pašić, Alma Saračević i Sabaheta Zuhrić.

Član 7.

Ova odluka stupa na snagu osmog dana od

dana objavljivanja u Službenim novinama Grada Goražda, a objavit će se 3rih oglasnoj 3riho Grada Goražda.

Broj: 01-02-1-4409
24. 10. 2023. Godine
G o r a ž d e

PREDSJEDAVAJUĆI
GRADSKOG VIJEĆA
Bajro Obuća, s.r.

194

Na osnovu člana 13. Stav 2. Zakona o principima lokalne samouprave Federacije Bosne i Hercegovine ("Službene novine Federacije Bosne i Hercegovine", broj: 49/06 i 51/09), člana 9. Stav 2. Pravilnika o vrstama vlastitih javnih prihoda u Federaciji BiH ("Službene novine FbiH", broj:104/22), člana 17. I člana 88. Statuta Grada Goražda ("Službene novine Grada Goražda", broj:5/18), Gradsko vijeće Grada Goražda na 22. Redovnoj sjednici održanoj dana 24. 10. 2023. godine, **d o n o s i:**

O D L U K U
o davanju saglasnosti na Pravilnik
o vrstama vlastitih javnih prihoda
Grada Goražda

Član 1.

Daje se saglasnost na Pravilnik o vrstama vlastitih javnih prihoda Grada Goražda broj: 02-11-1-3791 od 27. 09. 2023. godine.

Član 2.

Ova Odluka stupa na snagu osmog dana od dana objavljivanja u "Službenim novinama Grada Goražda".

Broj: 01-02-1-4410
24. 10. 2023. Godine
G o r a ž d e

PREDSJEDAVAJUĆI
GRADSKOG VIJEĆA
Bajro Obuća, s.r.

195

Na osnovu člana 24. Zakona o budžetima u Federaciji BiH („Službene novine Federacije BiH“, broj: 102/13, 9/14, 13/14, 8/15, 91/15, 102/15, 104/16, 5/18, 11/19, 99/19, 25a/22), člana 9. Pravilnika o vrstama vlastitih javnih prihoda u Federaciji BiH („Službene novine Federacije BiH“ broj:

104/22), člana 15. Zakona o principima lokalne samouprave u Federaciji BiH („Službene novine Federacije BiH“, broj: 49/06 i 51/09) i člana 36. Statuta Grada Goražda ("Službene novine Grada Goražda", broj: 5/18), gradonačelnik Grada Goražda **d o n o s i:**

P R A V I L N I K
O VRSTAMA VLASTITIH JAVNIH
PRIHODA GRADA GORAŽDA

I O P Č E O D R E D B E

Član 1.

(Predmet pravilnika)

Ovim Pravilnikom o vrstama vlastitih javnih prihoda Grada Goražda (u daljem tekstu: Pravilnik) definiše se pojam vlastitih prihoda, kriteriji za utvrđivanje vlastitih javnih prihoda koje ostvaruje Grad Goražde iz čl. 5. i 6. Pravilnika o vrstama javnih prihoda u Federaciji BiH, pravni osnov ostvarivanja, te planiranje, namjena i način trošenja vlastitih javnih prihoda.

Član 2.

(Subjekti primjene)

- (1) Odredbe ovog Pravilnika odnose se na Grad Goražde kao jedinicu lokalne samouprave, kao i na javne ustanove koje su uvrštene u registar budžetskih korisnika Grada Goražda.
- (2) U skladu sa stavom (1) ovog člana, vrste vlastitih javnih prihoda Grada Goražda utvrđene su za Grad Goražde kao jedinstveni organ.

Član 3.

(Pojam vlastitih javnih prihoda)

- (1) Vlastiti javni prihodi su prihodi ostvareni obavljanjem privredne djelatnosti koja ne obuhvata obavljanje osnovne djelatnosti propisane zakonima i drugim propisima o osnivanju i utvrđivanju djelokruga rada Grada Goražda.

II KRITERIJI ZA UTVRĐIVANJE VRSTA VLASTITIH JAVNIH PRIHODA GRADA GORAŽDA

Član 4. (Kriteriji)

- (1) Kriteriji za utvrđivanje vlastitih javnih prihoda, u skladu sa članom 4. Pravilnika o vrstama javnih prihoda u Federaciji BiH, su:
 - a) Da prihod ne spada u kategoriju poreza, doprinosa, naknada, taksi i kazni;
 - b) Da prihod nije kao javni prihod propisan posebnom odredbom u zakonu;
 - c) Da se prihod ostvaruje obavljanjem aktivnosti na tržištu i u tržišnim uslovima, za aktivnosti koje mogu obavljati i drugi pravni subjekti na tržištu, odnosno ne postoji zakonska isključivost da aktivnost vrši samo određeni pravni subjekt;
 - d) Da se prihod ostvaruje obavljanjem aktivnosti na tržištu i u tržišnim uslovima, za aktivnosti koje mogu obavljati i drugi pravni subjekti na tržištu, odnosno (ne postoji zakonska isključivost da aktivnost vrši samo određeni pravni subjekt), s tim da je ta aktivnost izvan propisom utvrđene osnovne djelatnosti uređene propisima o osnivanju i utvrđivanju djelokruga rada Grada Goražda.
- (2) Kriteriji iz stava (1) ovog člana primjenjuju se na kumulativnoj osnovi za utvrđivanje vlastitih javnih prihoda organa uprave i javnih ustanova, koje su uvrštene u registar budžetskih korisnika.
- (3) Pod vlastitim javnim prihodima ne podrazumijevaju se oni prihodi koje Grad Goražde ostvari obavljajući osnovnu djelatnost propisanu zakonom ili drugim propisima, za koju je propisima utvrđena visina naknade za usluge koje pruža pravnim i fizičkim licima, kao ni prihodi ostvareni u poslovanju između gradova, općina, ministarstava, javnih ustanova, javnih preduzeća kao i ustanova čiji je osnivač Grad Goražde.

Član 5. (Vlastiti javni prihodi od iznajmljivanja)

- (1) Vlastiti javni prihodi Grada Goražda od iznajmljivanja odnose se na:
 - a) Prihodi od iznajmljivanja poslovnih prostora;
 - b) Prihodi od iznajmljivanja drugih nepokretnosti;
 - c) Prihodi od iznajmljivanja zemljišta.
- (2) Pravni osnov ostvarivanja vlastitih javnih prihoda iz stava (1) ovog člana su ugovori sa zakupoprincima u skladu sa gradskim odlukama i odlukama javnih ustanova.

Član 6. (Vlastiti javni prihodi od prodaje proizvoda, roba i usluga)

- (1) Vlastiti javni prihodi Grada Goražda koji se ostvaruju prodajom proizvoda, roba i usluga odnose se na:
 - a) prodaju usluga pristupa i korištenja;
 - b) oglašavanje proizvoda i usluga;
 - c) distribuciju i prodaju svih oblika pisanih, foto i video publikacija i materijala, obraza;
 - d) pružanje usluga cikličnog obrazovanja, usluga škole u prirodi, produženog boravka u školama, školarina, upisnina i sl.
- (2) Pravni osnov ostvarivanja vlastitih javnih prihoda iz stava (1) ovog člana su potpisani ugovori, odnosno gradske odluke i odluke javnih ustanova.

III PLANIRANJE, NAMJENA I RASPOLAGANJE VLASTITIM JAVNIM PRIHODIMA

Član 7. (Planiranje i namjena vlastitih javnih prihoda)

- (1) Planiranje i raspolaganje vlastitim javnim

prihodima, kao i nadzor nad istim vrši se u skladu sa Zakonom o Budžetima u Federaciji BiH.

- (2) Vlastiti javni prihodi Grada Goražda kao i rashodi, koji će se pokriti iz tih prihoda moraju biti planirani u budžetu Grada Goražda.
- (3) Vlastiti javnih prihodi iz člana 5. i 6. ovog Pravilnika, raspoređuju se prema fondovskoj klasifikaciji vlastitih javnih prihoda i budžetskih izdataka (izvorima sredstava), koja se utvrđuje u godišnjem budžetu Grada Goražda i služe za pokriće izdataka (rashoda) nastalih obavljanjem poslova, iz kojih proizilaze ti prihodi i drugih tekućih izdataka.

Član 8.

(Raspologanje vlastitim javnim приходima)

Vlastitim javnim приходima Grada Goražda raspolaze Grad Goražde u skladu sa Registrom budžetskih korisnika, koji se utvrđuje godišnje.

Član 9.

(Uplata vlastitih prihoda)

- (1) Vlastiti javni prihodi Grada Goražda uplaćuju se na Depozitni račun Grada Goražda u skladu sa Pravilnikom o načinu uplate, pripadnosti i raspodjele javnih prihoda u Federaciji Bosne i Hercegovine.
- (2) Subjekti iz člana 2. ovog Pravilnika, odgovorni su za blagovremenu naplatu vlastitih javnih prihoda, kao i za poduzimanje mjera za njihovu realizaciju.

IV ZAVRŠNE ODREDBE

Član 10.

(Primjena propisa višeg reda)

Na pitanja koja nisu uređena ovim Pravilnikom primjenjivat će se odredbe Pravilnika o vrstama vlastitih javnih prihoda u Federaciji BiH i

Pravilnika o načinu uplate, pripadnosti i raspodjele javnih prihoda u Federaciji Bosne i Hercegovine.

Član 11.

(Stupanje na snagu)

Ovaj Pravilnik stupa na snagu narednog dana od dana dobivanja saglasnosti Gradskog vijeća Grada Goražda, a naknadano će se objaviti u Službenim novinama Grada Goražda.

Broj: 02-11-1-3791
27. 9. 2023. godine
G o r a ž d e

GRADONAČELNIK
Ernest Imamović, s.r.

Gradsko vijeće Grada Goražda je na 22. (dvadeset drugoj) redovnoj sjednici održanoj dana 24. 10. 2023. godine donijelo Odluku (Broj: 01-02-1-4410 od 24. 10. 2023.godine) o davanju saglasnosti na Pravilnik o vrstama vlastitih javnih prihoda Grada Goražda.

196

U skladu sa članom 125. Stav 7. I članom 115. Poslovnika Gradskog vijeća Grada Goražda («Službene novine Grada Goražda», broj: 2/20 i 3/20), Gradsko vijeće Grada Goražda na nastavku 21. Redovne sjednice održane dana 24. 10. 2023. Godine, **d o n o s i :**

ZAKLJUČAK

1. Usvaja se inicijativa vijećnika Alena Selimovića, koja se odnosi na davanje naziva dijela ulice na Obarku od kuće Alije Krašića do kuće Murata Dučića i Hamda Hubanića, od Ulice Jaska Islamovića kroz Ulicu 25. novembra do Ulice 22. maj, po imenu poginule djevojke Azre (Ibrahima) Bašić, rođene 1976. godine, a poginula 1995. godine kao pripadnica 808. oslobodilačke brigade, poginula na Obarku, u Ulici Enesa Turkovića.
2. Za realizaciju ove inicijative zadužuje se gradonačelnik Goražda i nadležna gradska služba.
3. Rok za realizaciju ove inicijative je do 31. 12. 2023. godine.
4. Zaključak stupa na snagu danom donošenja, a

bit će objavljen u „Službenim novinama Grada Goražda“.

Broj: 01-02-1-4393
24. 10. 2023. godine
G o r a ž d e

PREDSJEDAVAJUĆI
GRADSKOG VIJEĆA
Bajro Obuća, s.r.

197

U skladu sa članom 125. stav 7. i članom 115. Poslovnika Gradskog vijeća Grada Goražda («Službene novine Grada Goražda», broj: 2/20 i 3/20), Gradsko vijeće Grada Goražda na nastavku 21. redovne sjednice održane dana 24. 10. 2023. godine, **d o n o s i:**

Z A K L J U Č A K

1. Usvaja se inicijativa vijećnika Almira Hasanefendića, koja se odnosi na sanaciju i popravku puta u Ulici Agana Imamovića u dužini od 1000 m do gradskog rezervoara u Rasadniku.
2. Za realizaciju ove inicijative zadužuje se gradonačelnik Goražda i nadležna gradska služba.
3. Rok za realizaciju ove inicijative je do 90 dana.
4. Zaključak stupa na snagu danom donošenja, a bit će objavljen u „Službenim novinama Grada Goražda“.

Broj: 01-02-1-4394
24. 10. 2023. godine
G o r a ž d e

PREDSJEDAVAJUĆI
GRADSKOG VIJEĆA
Bajro Obuća, s.r.

198

U skladu sa članom 125. stav 7. i članom 115. Poslovnika Gradskog vijeća Grada Goražda («Službene novine Grada Goražda», broj: 2/20 i 3/20), Gradsko vijeće Grada Goražda na nastavku 21. redovne sjednice održane dana 24. 10. 2023. godine, **d o n o s i:**

Z A K L J U Č A K

1. Usvaja se inicijativa vijećnice Anele Čakal-Ušanović, koja se odnosi na saniranje i dodatno uređenje Spomen-obilježja ubijenoj djeci u Goraždu.
2. Za realizaciju ove inicijative zadužuje se gra-

donačelnik Goražda i nadležna gradska služba.

3. Rok za realizaciju ove inicijative je do 90 dana.
4. Zaključak stupa na snagu danom donošenja, a bit će objavljen u „Službenim novinama Grada Goražda“.

Broj: 01-02-1-4395
24. 10. 2023. godine
G o r a ž d e

PREDSJEDAVAJUĆI
GRADSKOG VIJEĆA
Bajro Obuća, s.r.

199

U skladu sa članom 125. stav 7. i članom 115. Poslovnika Gradskog vijeća Grada Goražda («Službene novine Grada Goražda», broj: 2/20 i 3/20), Gradsko vijeće Grada Goražda na nastavku 21. redovne sjednice održane dana 24. 10. 2023. godine, **d o n o s i:**

Z A K L J U Č A K

1. Usvaja se inicijativa vijećnice Anele Čakal-Ušanović, koja se odnosi na uređenje mosta Alije Izetbegovića u Goraždu.
2. Za realizaciju ove inicijative zadužuje se gradonačelnik Goražda i nadležna gradska služba.
3. Rok za realizaciju ove inicijative je do 31. 03. 2024. godine.
4. Zaključak stupa na snagu danom donošenja, a bit će objavljen u „Službenim novinama Grada Goražda“.

Broj: 01-02-1-4396
24. 10. 2023. godine
G o r a ž d e

PREDSJEDAVAJUĆI
GRADSKOG VIJEĆA
Bajro Obuća, s.r.

200

U skladu sa članom 125. stav 7. i članom 115. Poslovnika Gradskog vijeća Grada Goražda («Službene novine Grada Goražda», broj: 2/20 i 3/20), Gradsko vijeće Grada Goražda na nastavku 21. redovne sjednice održane dana 24. 10. 2023. godine, **d o n o s i:**

Z A K L J U Č A K

1. Usvaja se inicijativa vijećnika Alena Selimovića, koja se odnosi na uklanjanje i popravku se-

mafora u gradu Goraždu i da se uputi urgentan zahtjev i Vladi BPK Goražde kako bi se pronašlo rješenje ovog problema.

2. Za realizaciju ove inicijative zadužuje se gradonačelnik Goražda i nadležna gradska služba.
3. Rok za realizaciju ove inicijative je do 31. 12. 2023.godine.
4. Zaključak stupa na snagu danom donošenja, a bit će objavljen u „Službenim novinama Grada Goražda“.

Broj: 01-02-1-4397
24. 10. 2023. godine
G o r a ž d e

PREDSJEDAVAJUĆI
GRADSKOG VIJEĆA
Bajro Obuća, s.r.

201

U skladu sa članom 125. stav 7. i članom 115. Poslovnika Gradskog vijeća Grada Goražda («Službene novine Grada Goražda», broj: 2/20 i 3/20), Gradsko vijeće Grada Goražda na 22. redovnoj sjednici održanoj dana 24. 10. 2023. godine, **d o n o s i:**

Z A K L J U Č A K

1. Usvaja se inicijativa vijećnika Džemala Omanovića, koja se odnosi na izradu potrebne dokumentacije od strane nadležnih gradskih službi za izradu novog mosta na Sadbi.
2. Za realizaciju ove inicijative zadužuje se gradonačelnik Goražda i nadležna gradska služba.
3. Rok za realizaciju ove inicijative je do 90 dana.
4. Zaključak stupa na snagu danom donošenja, a bit će objavljen u „Službenim novinama Grada Goražda“.

Broj: 01-02-1-4398
24. 10. 2023. godine
G o r a ž d e

PREDSJEDAVAJUĆI
GRADSKOG VIJEĆA
Bajro Obuća, s.r.

202

U skladu sa članom 125. stav 7. i članom 115. Poslovnika Gradskog vijeća Grada Goražda («Službene novine Grada Goražda», broj: 2/20 i 3/20), Gradsko vijeće Grada Goražda na 22. redovnoj sjednici održanoj dana 24. 10. 2023. godine, **d o n o s i:**

Z A K L J U Č A K

1. Usvaja se inicijativa vijećnika Nermina Mašala, koja se odnosi na izradu dokumenata, koji će sadržavati planove zapošljavanja, tj. popunu i dopunu radnih mjesta koja su deficitarna u našoj lokalnoj zajednici.
2. Za realizaciju ove inicijative zadužuje se gradonačelnik Goražda i nadležna gradska služba.
3. Rok za realizaciju ove inicijative je do šest mjeseci.
4. Zaključak stupa na snagu danom donošenja, a bit će objavljen u „Službenim novinama Grada Goražda“.

Broj: 01-02-1-4399
24. 10. 2023. godine
G o r a ž d e

PREDSJEDAVAJUĆI
GRADSKOG VIJEĆA
Bajro Obuća, s.r.

203

U skladu sa članom 125. stav 7. i članom 115. Poslovnika Gradskog vijeća Grada Goražda («Službene novine Grada Goražda», broj: 2/20 i 3/20), Gradsko vijeće Grada Goražda na nastavku 21. redovne sjednice održane dana 24. 10. 2023. godine, **d o n o s i:**

Z A K L J U Č A K

1. Usvaja se inicijativa vijećnice Anele Čakal-Ušanović, koja se odnosi na postavljenje samouslužnog kopir-aparata u prostorije Matičnog ureda gradske uprave Grada Goražda.
2. Za realizaciju ove inicijative zadužuje se gradonačelnik Goražda i nadležna gradska služba.
3. Rok za realizaciju ove inicijative je do 31. 03. 2024. godine.
4. Zaključak stupa na snagu danom donošenja, a bit će objavljen u „Službenim novinama Grada Goražda“.

Broj: 01-02-1-4400
24. 10. 2023. godine
G o r a ž d e

PREDSJEDAVAJUĆI
GRADSKOG VIJEĆA
Bajro Obuća, s.r.

204

U skladu sa članom 125. stav 7. i članom 115. Poslovnika Gradskog vijeća Grada Goražda («Službene novine Grada Goražda», broj: 2/20 i

3/20), Gradsko vijeće Grada Goražda na 22. redovnoj sjednici održanoj dana 24. 10. 2023. godine, **d o n o s i:**

Z A K L J U Č A K

1. Usvaja se inicijativa vijećnika Omanović Džemala koja se odnosi na postavljanje rampe sa lijeve i desne strane mosta na Sadbi, i prilagodi nosivosti mosta.
2. Za realizaciju ove inicijative zadužuje se gradonačelnik Goražda i nadležna gradska služba.
3. Rok za realizaciju ove inicijative je do 60 dana.
4. Zaključak stupa na snagu danom donošenja, a bit će objavljen u „Službenim novinama Grada Goražda“.

Broj: 01-02-1-4401
24. 10. 2023. godine
G o r a ž d e

PREDSJEDAVALAČICA
GRADSKOG VIJEĆA
Bajro Obuća, s.r.

205

U skladu sa članom 115. i članom 133. Poslovnika Gradskog vijeća Grada Goražda («Službene novine Grada Goražda», broj: 2/20 i 3/20), Gradsko vijeće Grada Goražda na 22. redovnoj sjednici održanoj dana 24. 10. 2023. god., **d o n o s i:**

Z A K L J U Č A K

1. Daje se saglasnost gradonačelniku Goražda i nadležnim gradskim službama da u skladu sa likvidnim mogućnostima, uplate sredstva prema NK „Azot“ Vitkovići u ukupnom iznosu od 10.000,00 KM a koja su planirana kroz Izmjene i dopune Budžeta Grada Goražda za 2023. godinu, kao pomoć u rješavanju nagomilanih finansijskih problema.
2. Zaduje se gradonačelnik Goražda i nadležna gradska služba da sa NK „Azot“ Vitkovići potpiše ugovor – sporazum o namjenskom doznačavanju sredstava.
3. Zaključak stupa na snagu danom donošenja, a bit će objavljen u „Službenim novinama Grada Goražda“.

Broj: 01-02-1-4402
24. 10. 2023. godine
G o r a ž d e

PREDSJEDAVALAČICA
GRADSKOG VIJEĆA
Bajro Obuća, s.r.

206

U skladu sa članom 115. i članom 133. Poslovnika Gradskog vijeća Grada Goražda («Službene novine Grada Goražda», broj: 2/20 i 3/20), Gradsko vijeće Grada Goražda na 22. redovnoj sjednici održanoj dana 24. 10. 2023. god., **d o n o s i:**

Z A K L J U Č A K

1. Usvaja se Izvještaj o realizaciji zaključaka sa predhodne 21. redovne sjednice Gradskog vijeća Grada Goražde.
2. Zaključak stupa na snagu danom donošenja, a bit će objavljen u „Službenim novinama Grada Goražda“.

Broj: 01-02-1-4403
24. 10. 2023. godine
G o r a ž d e

PREDSJEDAVALAČICA
GRADSKOG VIJEĆA
Bajro Obuća, s.r.

207

U skladu sa članom 115. i članom 133. Poslovnika Gradskog vijeća Grada Goražda («Službene novine Grada Goražda», broj: 2/20 i 3/20), Gradsko vijeće Grada Goražda na 22. redovnoj sjednici održanoj dana 24. 10. 2023. god., **d o n o s i:**

Z A K L J U Č A K

1. Utvrđuje se Nacrt Lokalnog akcionog plana za zapošljavanje Grada Goražda za period 2024 – 2026. godine.
2. Nacrt Lokalnog akcionog plana za zapošljavanje Grada Goražda za period 2024–2026. godine može poslužiti kao osnova za izradu prijedloga Lokalnog akcionog plana za zapošljavanje Grada Goražda za period 2024–2026. godine, sa stavovima i primjedbama, koje su iznijela radna tijela Vijeća i vijećnici na samoj sjednici Vijeća.
3. Nacrt Lokalnog akcionog plana za zapošljavanje Grada Goražda za period 2024–2026. godine upućuje se na javnu raspravu, koja će se organizovati i provesti na način i po planu, koji će utvrditi Služba za investicije i lokalni ekonomski razvoj i upravljanje imovinom.

4. Javnu raspravu provede Služba za investicije i lokalni ekonomski razvoj i upravljanje imovinom uz saradnju Službe za poslove kabineta gradonačelnika.
5. O rezultatima javne rasprave podnijeće se izvještaj Gradskom vijeću sa iznesenim primjedbama i mišljenjima o pojedinim pitanjima.
6. Rok za provođenje javne rasprave je do 30 dana.
7. Zaključak stupa na snagu danom donošenja, a bit će objavljen u „Službenim novinama Grada Goražda“.

Broj: 01-02-1-4404 PREDSEDAVAJUĆI
24. 10. 2023. godine GRADSKOG VIJEĆA
G o r a ž d e B a j r o O b u ć a, s. r.

208

U skladu sa članom 115. i članom 133. Poslovnika Gradskog vijeća Grada Goražda («Službene novine Grada Goražda», broj: 2/20 i 3/20), Gradsko vijeće Grada Goražda na 22. redovnoj sjednici održanoj dana 24. 10. 2023. god., **d o n o s i:**

Z A K L J U Č A K

1. Usvaja se Izvještaj o radu za školsku 2022/2023. godinu i godišnji Program rada za školsku 2023/2024. godinu, Javne ustanove za predškolski odgoj i obrazovanje Goražde.
2. Zaključak stupa na snagu danom donošenja, a bit će objavljen u „Službenim novinama Grada Goražda“.

Broj: 01-02-1-4405 PREDSEDAVAJUĆI
24. 10. 2023. godine GRADSKOG VIJEĆA
G o r a ž d e B a j r o O b u ć a, s. r.

209

U skladu sa članom 115. i članom 133. Poslovnika Gradskog vijeća Grada Goražda («Službene novine Grada Goražda», broj: 2/20 i 3/20), Gradsko vijeće Grada Goražda na 22. redovnoj sjednici održanoj dana 24. 10. 2023. god., **d o n o s i:**

Z A K L J U Č A K

1. Usvaja se Izvještaj o radu i finansijskom poslovanju JZU Apoteka „9. maj“ Goražde za 2022.

godinu i Program rada i finansijski plan JZU Apoteka „9. maj“ Goražde za 2023. godinu.

2. Zaključak stupa na snagu danom donošenja, a bit će objavljen u „Službenim novinama Grada Goražda“.

Broj: 01-02-1-4757 PREDSEDAVAJUĆI
24. 10. 2023. godine GRADSKOG VIJEĆA
G o r a ž d e B a j r o O b u ć a, s. r.

210

Na osnovu člana 36 i 89. Statuta Grada Goražda («Službene novine Grada Goražda» broj:18) gradonačelnik, **d o n o s i:**

I N S T R U K C I J U o utvrđivanju platnih razreda i koeficijenta za plate uposlenika javnih ustanova čiji je osnivač Grad Goražde a koja su uvrštena u trezorsko poslovanje Grada Goražda

I

Ovom Instrukcijom utvrđuju se platni razredi i koeficijenti za plate uposlenika javnih ustanova čiji je osnivač Grad Goražde a koja su uvrštena u trezorsko poslovanje Grada Goražda.

II

Instrukcija primarno se odnosi na uposlenike JU Za predškolski odgoj i obrazovanje, JU Centar za kulturu Goražde i JU Sportski Centar Goražde.

III

Uposlenici Javnih ustanova se razvrstavaju u 5 (pet) platnih razreda i utvrđuje se raspon koeficijenta za obračun plaće prema stepenu stručne spreme:

PLATNI RAZRED	STEPEN STRUČNE SPREME	RASPON KOEFICIJENTA
I	VŠS/VSS	4,75
II	VSS	3,40 – 4,10
III	VŠS	2,85 – 3,10
IV	SSS (III/IV)	2,20 – 2,50
IV	OŠ/NK	1,85 – 2,10

IV

Za obračun plaće uposlenika koristiće se jedinstvena osnovica koja se utvrđuje Odlukom o izvršenju Budžeta Grada Goražda.

V

Ova Instrukcija stupa na snagu danom donošenja a biće objavljena u Službenim novinama Grada Goražda.

VI

Stupanjem na snagu ove Instrukcije presta-

je da važi Instrukcija o utvrđivanju platnih razreda i koeficijenata za uposlenike u JU Predškolski odgoj i obrazovanje Goražde i zaposlenike u parku „Plavi cvijet“ Goražde, broj: 02-05-3081/11 od 25. 5. 2011. godine i Izmjene i dopune Instrukcija o utvrđivanju platnih razreda i koeficijenata za zaposlenike u JU Za predškolski odgoj i obrazovanje Goražde i zaposlenika u parku „Plavi cvijet“ Goražde, broj: 02-38-2-4619/14 od 5. 11. 2014. godine.

Broj: 02-04-2-6068/23

02. 11. 2023. godine

G o r a ž d e

GRADONAČELNIK

Ernest Imamović, s.r.

.....

S A D R Ź A J

192	Odluka o utvrđivanju prosječne konačne građevinske cijene 1 m2 korisnog stambenog prostora za 2022. godinu na području Grada Goražde.....	321
193	Odluka o prodaji nekretnine neposrednom pogodbom Muberi Pašić, Almi Saračević i Sabaheti Zuhrić radi oblikovanja građevinske čestice.....	322
194	Odluka o davanju saglasnosti na Pravilnik o vrstama vlastitih javnih prihoda Grada Goražda.....	323
195	Pravilnik o vrstama vlastitih javnih prihoda Grada Goražda.....	323
196	Zaključak	325
197	Zaključak	326
198	Zaključak	326
199	Zaključak	326
200	Zaključak	326
201	Zaključak	327
202	Zaključak	327
203	Zaključak	327
204	Zaključak	327
205	Zaključak	328
206	Zaključak	328
206	Zaključak	328
208	Zaključak	329
209	Zaključak	329
210	Instrukcija o utvrđivanju platnih razreda i koeficijenata za plate uposlenika javnih ustanova čiji je osnivač Grad Goražde a koja su uvrštena u trezorsko poslovanje Grada Goražda.....	329

6. 11. 2023.

Broj 10 – strana 331

